

Навоий ш.

2022 йил «19» Январ

«PERFECT INSURANCE» Суғурта Ташкилоти МЧЖ, кейинги ўринларда «Суғурталовчи» деб номланувчи, Ўзбекистон Республикаси Молия вазирлиги томонидан 19.03.2021 йилда берилган СФ серияли 00015-сонли лицензия ва 2022 йил 05 Январдаги 020/69 –сонли ишончнома асосида фаолият юритувчи Навоий вилояти филиали директор в.б М.Ш.Тошов, бир томондан, ва қуйида «Суғурта қилдирувчи» деб юритиладиган, Навоий шаҳар АТБ «КИШЛОК КУРИЛИШ БАНК»нинг Навоий минтакавий филиали Ишончнома асосида фаолият юритувчи Банк Бошқарувчиси Ғ.Н.Нормуродов иккинчи томондан, биргаликда ТОМОНЛАР, мазкур Шартномани қуйидагилар тўғрисида тузишди:

### 1. ШАРТНОМА ПРЕДМЕТИ

1.1. Шартнома Ўзбекистон Республикаси Вазирлар Маҳкамасининг 2019 йил 16 мартдаги 222-сонли Қарори билан тасдиқланган Транспорт воситалари эгаларининг фуқаролик жавобгарлигини мажбурий сугурта қилиш қоидаларига (матн давомида «Мажбурий сугурта қоидалари» деб аталади) мувофиқ ишлаб чиқилган.

1.2. Транспорт воситаларидан фойдаланишда транспорт воситалари эгаларининг жабрланувчилар ҳаёти, соғлиги ва (ёки) мол-мулкига етказилган зарарнинг ўрнини қоплаш бўйича фуқаролик жавобгарлиги қонун ҳужжатларига мувофиқ юзага келиши билан боғлиқ бўлган мулкий манфаатлари транспорт воситалари эгаларининг фуқаролик жавобгарлигини мажбурий сугурта қилиш (матн давомида «Мажбурий сугурта» деб аталади) объектидир.

1.3. Томонлар, мазкур Шартномада келишилмаган барча саволлар бўйича Мажбурий сугурта қоидаларига амал қилади.

### 2. СУҒУРТА ХОДИСАСИ

2.1. Транспорт воситасидан фойдаланишда жабрланувчининг ҳаёти, соғлиги ва (ёки) мол-мулкига зарар етказилганлиги учун Суғурта қилдирувчининг фуқаролик жавобгарлигининг юзага келиши бўлиб, бу Суғурталовчининг сугурта товониини сугурта пули доирасида тўлаш мажбуриятини келтириб чиқаради.

### 3. СУҒУРТА ХОДИСАСИДАН МУСТАСНО

3.1. Қуйидагилар оқибатида транспорт воситалари эгалари фуқаролик жавобгарлигининг юзага келиши сугурта ходисаси хисобланмайди:

- мажбурий сугурта бўйича сугурта полисида кўрсатилмаган транспорт воситасидан фойдаланишда зарар етказиш;
- маънавий етказилган зарар ва (ёки) бой берилган фойданинг ўрнини қоплаш бўйича мажбуриятнинг юзага келиши;
- транспорт воситасидан махсус ажратилган жойларда мусобақалар, синовлар ёки ўқув ҳайдовчи давомида фойдаланишда зарар етказилганлиги;
- атроф муҳитнинг ифлосланиши;
- ташилаётган юк таъсирида зарар етказилиши, агар бундай жавобгарлик мажбурий сугуртанинг тегишли тури тўғрисидаги қонун ҳужжатларига мувофиқ мажбурий сугурта қилиниши керак бўлса;
- ходимлар хизмат ёки меҳнат мажбуриятларини бажараётганида уларнинг ҳаёти ёки соғлигига зарар етказилиши, агар бу зарарнинг мажбурий сугуртанинг тегишли тури тўғрисидаги қонун ҳужжатларига мувофиқ қопланиши лозим бўлса;
- ходимга зарар етказилганлиги туфайли келиб чиққан зарарнинг ўрнини иш берувчи томонидан қоплаш бўйича мажбурияти;
- ҳайдовчининг ўзи бошқараётган транспорт воситасига ва унинг тиркачасига, уларда ташилаётган юкка ва (ёки) уларга ўрнатилган асбоб-ускуналарга зарар етказилганлиги;
- юкни ортиш ёки туширишда, шунингдек транспорт воситаси мазкур транспорт воситасининг эгаси бўлган корхона, муассаса ёки ташкилот ҳудудида ҳаракатланганида зарар етказилганлиги;
- нодир ва бошқа ноёб буюмлар, меъморий ёдгорликлар, қимматбаҳо ва ярим қимматбаҳо тошлар ва металлдан ишланган буюмларга, диний қадриятга эга буюмлар, санъат асарлари, қўлёзмалар, ноёб аудиовизуал асарларга ҳамда интеллектуал фаолиятнинг бошқа маҳсулларига, қимматли қозғалдирилган нақд пулларга, шу жумладан чет эл валютасига шикаст етказилганлиги ёки уларнинг йўқ қилинганлиги;
- жабрланувчиларнинг сугурта ходисаси юзага келишига қаратилган қасдан қилган хатти-ҳаракатлари натижасида етказилган зарар.

3.2. Мазкур Шартноманинг 3.1 бандида кўрсатилган ҳолларда транспорт воситаси эгаларининг фуқаролик жавобгарлиги юзага келган тақдирда етказилган зарарнинг ўрни улар томонидан қонун ҳужжатларига мувофиқ қопланиши керак.

### 4. СУҒУРТА ПУЛИ, СУҒУРТА МУКОФОТИ

4.1. Мажбурий сугурта бўйича сугурта пули сугурта полиси бўйича ҳар бир транспорт воситаси учун 40 000 000 (қирқ миллион) сўм миқдорда белгиланади, жумладан:

- жабрланувчининг мол-мулкига зарар етказилганда – сугурта пулининг 35 фоизига;
- жабрланувчининг ҳаёти ёки соғлигига зарар етказилганда – сугурта пулининг 65 фоизига.

4.2. Транспорт воситаларининг сони 1 (бир) дан ошса Шартноманинг 1-иловасига мувофиқ.

4.3. Ушбу Шартнома бўйича умумий сугурта суммаси 40 000 000 (қирқ миллион) сўмни ташкил қилади.

4.4. Ҳар бир транспорт воситаси бўйича сугурта мукофоти хисоблаш Мажбурий сугурта қоидаларида назарда тутилган тартибда амалга оширилади.

4.5. Ушбу Шартнома бўйича умумий сугурта мукофоти 120 000 (бир юз йигирма минг) сўмни ташкил қилади.

4.6. Сугурта мукофоти нақдсиз ҳисоб-китоб йўли асосида бир йўла тўланади. Мазкур Шартнома бўйича Суғурталовчининг жавобгарлиги пул маблағлари Суғурталовчининг (унинг вакили) банк ҳисоб рақамига келиб тушган кундан бошланади.

4.7. Агар мажбурий сугурта полиси амалда бўлган даврда Суғурталовчи сугурта товони тўласа, у ҳолда Суғурта қилдирувчи Суғурталовчидан сугурта товони тўланганлиги тўғрисидаги хабарнома олинган кундан эътиборан икки ҳафта муддатда тўланган сугурта товони суммасига ва мажбурий сугурта полиси амал қилишининг қолган муддатига мутаносиб равишда қўшимча сугурта мукофотини тўлайди. Тўланадиган қўшимча сугурта мукофоти ҳисоб-китоби Мажбурий сугурта қоидаларида назарда тутилган тартибда амалга оширилади.

### 5. СУҒУРТА ШАРТНОМАСИНИНГ АМАЛ ҚИЛИНИШИ

5.1. Ушбу Шартнома сугурта полисида кўрсатилган муддат давомида тузилади ва имзоланган вақтдан бошлаб амал қилади.

5.2. Ҳар бир автотransпортлар бўйича мажбурий сугурта шартномаси суғурталовчи томонидан сугурта қилдирувчига сугурта полисини ва махсус давлат белгисини тақдим этиш йўли билан бир йил муддатга тузилади.



## 6. ТОМОНЛАРНИНГ ХУҚУҚИ ВА МАЖБУРИЯТЛАРИ

6.1. Сугурта килдирувчининг мажбурияти:

6.1.1. ЙТХ содир бўлганида давлат йўл ҳаракати хавфсизлиги хизмати ходимларининг етиб келишини кутиши ва жабрланувчига (унинг меросхўрларига ёки ҳуқуқий ворисларига) сугурта полисининг нусхасини топширишини ўз вакилларига (хайдовчиларига) билдириш.

6.1.2. Сугурта ходисаси содир бўлганида:

- дархол, йўл-транспорт ходисасидан кейин 72 соатдан кечиктирмай, содир бўлган ходиса ҳақида Мажбурий сугурта қондаларининг 6-иловасига мувофиқ ёзма шаклда, сугурта полисининг нусхасини илова қилган ҳолда Сугурталовчига (унинг филиалига) билдириши керак;
- зарарнинг олдини олиш ва (ёки) камайтириш юзасидан мумкин бўлган барча чораларни кўриши керак.

6.2. Сугурта килдирувчи қуйидаги ҳуқуққа эга:

6.2.1. Сугурта килдирувчи жабрланувчига етказилган зарарнинг ўрнини Сугурталовчининг ёзма розилиги билан ўз ҳисобидан қопласа, Сугурта килдирувчи етказилган зарарнинг ўрнини қоплаш тартибда ўзи амалга оширган тўловларни тасдиқловчи ҳужжатларни тақдим этганидан кейин Сугурталовчидан тўланган сугурта тўловини олиш.

6.3. Сугурталовчининг мажбурияти:

6.3.1. Мазкур Шартномада назарда тутилган ҳолларда, Сугурталовчининг сугурта товонини тўлаш тўғрисидаги қарори қабул қилинган кундан эътиборан беш иш куни мобайнида Жабрланувчига (унинг меросхўри ёки ҳуқуқий ворисига) ёки Сугурта килдирувчига (агар сугурта тўловини ўз ҳисобидан амалга оширган бўлса) тўлаши лозим.

6.3.2. Сугурта полиси ва маҳсуе давлат белгиси йўқотиб қўйилган тақдирда Сугурта килдирувчига унинг дубликатларини тақдим этиш. Дубликатлар Сугурта килдирувчи мурожаат қилган ва у дубликатларни тайёрлаш бўйича харажатларни (тўланган сугурта мукофотининг 10 фоизидан ошмаган миқдориди) тўлаган кундан бошлаб икки кун муддатда берилади.

6.4. Сугурталовчи қуйидаги ҳуқуққа эга:

6.4.1. Агар шикастланган мол-мулкни ёхуд унинг қолдиқларини қўздан кечириш ва мустақил экспертиза қилишга (баҳолашга) қадар ушбу модда талабларига мувофиқ амалга оширилган шу мол-мулкни таъмирлаш ёки унинг қолдиқларини утилизация қилиш сугурта ходисасининг мавжудлигини ва мазкур Шартнома бўйича ўрни қопланиши лозим бўлган зарарларнинг миқдорини тўғри аниқлаш имконини бермаса, Сугурталовчи жабрланувчига (унинг меросхўрига ёки ҳуқуқий ворисига) сугурта тўловини ёки унинг бир қисмини тўлашни рад этиш.

6.4.2. Сугурталовчининг сугурта товонини тўлашни рад этиш тўғрисидаги ёки уни тўлаш ҳақидаги қарори Сугурта килдирувчига у сугурта товони тўлаш тўғрисида ёзма мурожаат этганидан кейин ўн беш кундан кечиктирмай хабар қилиниши керак.

## 7. СУГУРТА ТОВОННИ ТЎЛАШ ТАРТИБИ ВА ШАРТЛАРИ

7.1. Сугурта товони етказилган зарар миқдориди, лекин сугурта пулидан ошмаган миқдорда Сугурталовчи томонидан бевосита жабрланувчига (унинг меросхўрига ёки ҳуқуқий ворисига) тўланади

7.2. Агар сугурта ходисаси содир бўлганда сугурта товони тўловлари бир печта жабрланувчига (уларнинг меросхўрларига ёки ҳуқуқий ворисларига) тўланиши керак бўлса ва уларнинг Сугурталовчига билдирилган талаблари суммаси сугурта товони миқдоридан ортиқ бўлса, сугурта товони ҳар бир жабрланувчининг барча жабрланувчилар (уларнинг меросхўрлари ёки ҳуқуқий ворислари) талабларининг умумий суммасидаги улушига мутаносиб равишда тўланади

7.3. Агар Сугурта килдирувчи жабрланувчига етказилган зарарнинг ўрнини Сугурталовчининг ёзма розилиги билан ўз ҳисобидан қопласа, Сугурта килдирувчи етказилган зарарнинг ўрнини қоплаш тартибда ўзи амалга оширган тўловларни тасдиқловчи ҳужжатларни тақдим этганидан кейин Сугурталовчи Сугурта килдирувчига сугурта тўловини тўлайди.

Бундай ҳолда Сугурта килдирувчи қуйидаги ҳужжатларни (асл нусхаларини ёки нусхаларини) тақдим этиши лозим:

- жабрланувчининг сугурта товонини тўлаш тўғрисидаги аризаси;
- сугурта полиси;
- зарар етказилганлиги фактини ва зарар миқдорини тасдиқловчи ҳужжатлар (йўл-транспорт ходисаси тўғрисидаги ҳулоса ёки қарор, тиббиёт муассасаларидан олинган маълумотнома ёхуд ҳаётга ёки соғлиққа зарар етказилганлигини тасдиқловчи бошқа ҳужжатлар, ўлим ҳақидаги далолатнома ёхуд гувоҳнома);
- мол-мулкка зарар етказилганлиги фактини ва зарар миқдорини тасдиқловчи ҳужжатлар (тижорат далолатномалари, юк хатлари, асосий воситалар дафтаридан кўчирмалар, тўлов ҳужжатлари, шартномалар, мол-мулкни мустақил баҳолаш далолатномалари ва бошқа шу қабли);
- жабрланувчининг шахсини ёки унинг давлат рўйхатидан ўтганлигини тасдиқловчи ҳужжатлар;
- мерос ҳуқуқини ёки ҳуқуқий ворисликни олганликларини, шунингдек меросхўрларнинг шахсини ёки ҳуқуқий ворисларнинг давлат рўйхатидан ўтказилганлигини тасдиқловчи ҳужжатлар (агар сугурта товони жабрланувчиларнинг меросхўрларига ёки ҳуқуқий ворисларига тўланиши лозим бўлса);

7.4. Сугурта товони суд харажатларини, шунингдек жарималар ва бошқа шу қаби тўловларни қопламайди.

## 8. РЕГРЕСС ТАЛАБИНИ ҚЎЙИШ ХУҚУҚИ

8.1. Сугурталовчи зарар етказган шахсга ўзи тўлаган сугурта тўлови миқдориди қуйидаги ҳолларда регресс тартибда талаб қилиш ҳуқуқига эга:

- мазкур шахснинг қасди оқибатида жабрланувчининг ҳаёти, соғлиги ва (ёки) мол-мулкига зарар етказилган бўлса;
- зарар транспорт воситаси мазкур шахс томонидан мастлик ҳолатида ёки гиёҳвандлик воситалари, психотроп моддалар ёки шахснинг ақл-идроқига таъсир кўрсатувчи бошқа моддалар таъсири остида бошқарилганда етказилган бўлса;
- мазкур шахс ўзи фойдаланаётганда зарар етказган, транспорт воситасини бошқариш ҳуқуқига эга бўлмаган бўлса;
- мазкур шахс йўл-транспорт ходисаси содир бўлган жойдан яширинган бўлса;
- мазкур шахс транспорт воситасини бошқаришга руҳсат этилган шахс сифатида Мажбурий сугурта полисига киритилмаган бўлса (транспорт воситасидан факат Мажбурий сугурта полисида кўрсатилган хайдовчилар фойдаланиши шarti билан Мажбурий сугурта полиси тузилганда);
- сугурта ходисаси мазкур шахс транспорт воситасидан Мажбурий сугурта полисида назарда тутилмаган аниқ даврда фойдаланаётганда содир бўлган бўлса (транспорт воситасидан Мажбурий сугурта полисида назарда тутилган даврда фойдаланиш шarti билан Мажбурий сугурта полиси тузилганда).

8.2. Бунда Сугурталовчи мазкур шахсдан сугурта ходисасини кўриб чиқишда қилинган харажатларни қоплашни ҳам талаб қилишга ҳақлидир.

## 9. ТОМОНЛАР ЖАВОБГАРЛИГИ

9.1. Томонлар мазкур Шартнома бўйича ўз мажбуриятларини бажариши бўйича Ўзбекистон Республикасининг амалдаги Қонунчилигига асосан жавобгардирлар.

9.2. Ушбу Шартномада келиб чиқадиган низоли масалалар музокаралар йўли билан ҳал этилади. Музокаралар йўли билан ҳал этилмаган тақдирда эса низолар Ўзбекистон Республикасининг амалдаги Қонунчилиги асосида ҳал этилади.

10. ТОМОНЛАРНИНГ ЮРИДИК МАНЗИЛЛАРИ

**СУҒУРТАЛОВЧИ**

“PERFECT INSURANCE” СТ МЧЖ  
Ўзбекистон Республикаси  
Навоий шаҳри, Навоий вилояти,  
Галаба шох кўчаси 149а,  
тел.: (78)-770-27-92  
х/р № 2020 8000 8050 8915 0005

АТБ «Қишлоқ қурилиш банк» Навоий филиали  
МФО 00202, СТИР 306464351 ОКЭД 65120

М.Тошов



**СУҒУРТА ҚИЛДИРУВЧИ**

АТБ “ҚИШЛОҚ ҚУРИЛИШ БАНК” Навоий  
минтақавий филиали  
Манзил: Навоий ш. Галаба шох кучаси 149а  
Тел: (78)-770-27-92  
Х/р № 1610 3000 0000 0020 2001  
МФО 00202, СТИР 200 007 317

М.У



Ғ.Н.Нормуродов  
(Ф.И.Ш)

1-Илова

**Транспорт воситалари рўйхати**

№	Давлат рақами	Транспорт воситаси маркаси	Ҳисобланган сугурта муқофоти (сўм)
1.	85090КАА	Lacetti	120 000
	<b>Жами:</b>		<b>120 000</b>

Суғурталовчи номидан:

Суғурта қилдирувчи номидан:



**М.Ш.ТОШОВ**

(Ф.И.Ш ва сугурталовчининг  
ваколатли ходимининг имзоси)

**Ғ.Н.НОРМУРОДОВ**

(Ф.И.Ш ва сугурталовчининг  
ваколатли ходимининг имзоси)



